



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

Ո Ր Ո Շ ՈՒ Մ
20 մարտի 2024 թվականի N 97-Ա

ՀՀ ՍՅՈՒՆԻՔԻ ՄԱՐԶՊԵՏԻ ԱՇԽԱՏԱԿԱԶՄԻ ԿՈՂՄԻՑ ԾԱՀԱԳՈՐԾՎՈՂ ՍՈՑԻԱԼԱԿԱՆ ՑԱՆՑԵՐԻ ՄԱՍԻՆ

Ղեկավարվելով «Տարածքային կառավարման մասին» Հայաստանի
Հանրապետության օրենքի 5-րդ հոդվածի 3-րդ մասով՝

որոշում եմ.

1. Հաստատել՝

1) Սյունիքի մարզպետի աշխատակազմի սոցիալական ցանցերի էջերի, դրանց
գրանցման և շահագործման նպատակով օգտագործվող էլեկտրոնային փոստերի,
հեռախոսահամարների ցանկը՝ համաձայն N 1 հավելվածի.

2) սոցիալական ցանցերի էջերի ադմինիստրատիվ օգտագործողի մուտքանունների
և գաղտնաբառերի գրանցամատյանի ձևը՝ համաձայն N 2 հավելվածի.

3) սոցիալական ցանցերի էջերը շահագործող անձանց ցանկը՝ համաձայն N 3
հավելվածի:

2. Սահմանել, որ՝

1) սույն որոշման առաջին կետի 2-րդ ենթակետով հաստատված ցանկում
ներառված սոցիալական ցանցերի էջերի գաղտնաբառերը Սյունիքի մարզպետի
աշխատակազմի անձնակազմի կառավարման, փաստաթղթաշրջանառության և
հասարակայնության հետ կապերի վարչության պետի հանձնարարությամբ թարմացվում
են յուրաքանչյուր երեք ամիսը մեկ անգամ.

2) սոցիալական ցանցերի էջերի ադմինիստրատիվ օգտագործողի անունները և
գաղտնաբառերը, ինչպես նաև դրանց փոփոխությունները հաշվառվում և պահպանվում
են անձնակազմի կառավարման, փաստաթղթաշրջանառության և հասարակայնության
հետ կապերի վարչությունում.

3) ադմինիստրատիվ օգտագործողի անունները և գաղտնաբառերը ենթակա են
պարտադիր փոփոխության մինչև սոցիալական ցանցերի էջերը շահագործող անձանց
փոփոխությունը կամ պաշտոնավարման դադարեցումը:

ՀԱՅԱՍՏԱՆԻ


ՀԱՆՐԱՊԵՏՈՒԹՅԱՆ



2024-03-20 10:48:18 GMT+4
Հավաստված է էԿԵՆԳ-ի կողմից



ՍՅՈՒՆԻՔԻ ՄԱՐԶՊԵՏ



Ռ. ՂՈՒԿԱՍՅԱՆ

2024թ. մարտի 20
ք. Կապան